

古
鏡
記

王
度
撰

中
華
書
局

BNT/1147/1010

此據龍威秘書本
排印初編各叢書
僅有此本

古鏡記

隋王 度撰

隋汾陰侯生。天下奇士也。王度常以師禮事之。臨終贈度以古鏡。曰：持此則百邪遠人。度受而寶之。鏡橫徑八寸。鼻作麒麟蹲伏之象。邊鼻列四方龜龍鳳虎。依方陳布。四方外又設八卦。卦外置十二辰位。而其畜馬辰畜之外。又置二十四字。周邊輪郭。文體似隸。點畫無缺。而非字書所有也。侯生云：二十四氣之象。形承日照之。則背上文畫。墨入影內。纖毫無失。舉而扣之。清音徐引。竟日方絕。嗟乎！此則非凡鏡所得同也。宜其見賞高賢。是稱靈物。侯生常云：昔者吾聞黃帝鑄十五鏡。其第一橫徑一尺五寸。法滿月之數也。以其相差各校一寸。此第八鏡也。雖歲祀攸遠。圖齊寂寞。而高人所迷。不可謬矣。昔楊氏納琅。累代延慶。張公喪劍。其身亦終。今度遭世擾攘。居常鬱快。王室如燬。生涯何地。寶鏡復去。哀哉！今具其異跡。列之如後。庶千載之下。儻有得者。知其所由耳。大業七年五月。度自侍御史罷歸河東。適遇侯生卒。而得此鏡。至其年六月。度歸長安。至長樂坡。宿于主人程雄家。雄新受寄一婢。頗甚端麗。名曰鸚鵡。度既稅駕。將白云不敢住。度因召主人問其故。雄曰：兩月前有一客攜此婢從東海來。時婢病甚。客便寄留云：邇日當取。比不復來。不知其婢由也。度疑其精魅。引鏡逼之。便云：乞命。即變形。度即掩鏡曰：汝先自敝。然後變形。當舍汝命。婢再拜自陳云：某是華山府君廟前長松下千歲老狸。大行變惑。罪合至死。遂爲府君捕逐。逃於河涇之間。爲下邳陳思恭義女。蒙養甚厚。嫁鸚鵡與同鄉人柴華。鸚鵡與華意不相恤。逃而東出韓城縣。爲

行人李無傲所執。無傲粗暴丈夫也。遂將鸚鵡遊行數歲。昨隨至此。忽爾見留。不意遭逢天鏡。隱形無路。度又謂曰。汝本老狸。變形爲人。豈不害人也。婢曰。變形事人。非有害也。但跳匿幻惑。神道所惡。自當至死耳。度又謂曰。欲捨汝可乎。鸚鵡曰。辱君厚賜。豈敢忘德。然天鏡一照。不可逃形。但久爲人形。羞復故體。願緘於匣。許盡醉而終。度又謂曰。緘鏡於匣。汝不逃乎。鸚鵡笑曰。公適有美言。尙許相捨。緘鏡而走。豈不終恩。但天鏡一照。竄跡無路。唯希數刻之命。以盡一生之歡耳。度登時爲匣鏡。又爲致酒。悉召羅家隣里與宴。詭比婢頃大醉。奮衣起舞。而歌曰。寶鏡寶鏡。哀哉子命。自我離形。於今幾姓。生雖可樂。死不必傷。何爲奔戀。守此一方。歌訖。再拜。化爲老狸而死。一座驚嘆。大業八年四月一日。太陽虧。度時在臺直。晝臥廳閣。覺日漸昏。諸吏告度。以日蝕甚。鵲衣時。引鏡出自覺。鏡亦昏昧。無復光色。度以寶鏡之作。合於陰陽光景之妙。不然。豈合以太陽失曜。而寶鏡亦無光乎。恠歎未已。俄而光彩出。日亦漸明。比及日復。鏡亦精明如故。自此之後。每日月薄蝕。鏡亦昏昧。其年八月十五日。友人薛俠者。獲一銅劍。長四尺。劍連於靶。靶盤龍鳳之狀。左文如火焰。右文如水波。光彩灼燦。非常物也。俠持過度曰。此劍俠常試之。每月十五日。天地清朗。置之暗室。自然有光。旁照數丈。俠持之有日月矣。明公好奇愛古。如饑如渴。願與君今夕一試。度喜甚。其夜果遇天地清霽。密閉一室。無復脫隙。與俠同宿。度亦出寶鏡置於座側。俄而鏡正吐光。明照一室。相視如晝。劍橫其側。無復光彩。俠大驚曰。請內鏡於匣。度從其言。然後劍乃吐光。不過一二尺耳。俠撫劍歎曰。天下神物。亦有相伏之理也。是後每至月望。則出鏡于暗室。光常照數丈。若日影入室。則無光也。豈太

陽太陰之耀不可敵乎。其年冬，兼著作郎，奉詔撰周史，欲爲蘇綽立傳。度家有奴曰豹生，年七十矣。本蘇氏部曲，頗涉史傳，略解屬文。見度傳草，因悲不自勝。度問其故，謂度曰：豹生常受蘇公厚遇，今見蘇公言驗，是以悲耳。郎君所有寶鏡，是蘇公友河南苗季子所遺蘇公者。蘇公愛之甚，蘇公臨亡之歲，戚戚不樂，常召苗生謂曰：自度死日不久，不知此鏡常入誰手。今欲以善策一斷，先生幸觀之也。便顧豹生取著。蘇公自撰布卦卦訖，蘇公曰：我死十餘年，我家常失此鏡，不知所在。然天地神物，動靜有徵，今河洛之間，往往有寶氣，與卦兆相合。鏡其往彼乎？季子曰：亦爲人所得乎？蘇公又詳其卦云：先人侯家，復歸王氏，過此以往，莫知所之也。豹生言訖涕泣。度問蘇氏果云爾有此鏡，蘇公薨後，亦失所在。如豹生之言，故度爲蘇公傳，亦具言其事於末篇。論蘇公著筮絕倫，點而獨用，謂此也。大業九年正月朔日，有一胡僧行乞而至度家，弟勸出見之，覺其神彩不俗，便邀入室而爲其食，坐語良久。胡僧謂勸曰：憶越家常有絕世寶鏡也，可得見耶？勸曰：法師何以得知之？僧曰：貧道受明錄秘術，頗識寶氣，憶越宅上每日常有碧光，連日絳氣，屬月，此寶鏡氣也。貧道見之兩年矣。今擇良日，故欲一觀，勸出之。僧跪捧欣躍，又謂勸曰：此鏡有數種靈相，皆常未見，但以金膏塗之，珠粉拭之，舉以照日，必影徹牆壁。僧又歎息曰：更作法試，應照見輪囷，所恨卒無藥耳。但以金烟薰之，玉水洗之，復以金膏珠粉如法拭之，藏之泥中，亦不晦矣。遂留金烟玉水等法，行之無不獲驗。而胡僧遂不復見。其年秋，度出兼芮城令，令廳前有一叢樹，圍可數丈，不知幾百年矣。前後令至，皆祠謁此樹，不則殃禍立及也。度以爲妖山人興，淫祀宜絕，縣吏皆叩頭請度，度不得已，爲之一

祀。然陰念此樹常有精魅所托。人不能除。養成其勢。乃密懸此鏡於樹之間。其夜二鼓許。聞其牆前磊落有聲。若雷霆者。遂起視之。則風雨晦暝。輾繞此樹。電光晃耀。忽上忽下。至明。有一大蛇。紫鱗赤尾。綠頭白角。額上有王字。身被數鎗。死於樹下。度便收鏡。命吏出蛇焚於縣門外。仍掘樹。樹心有一穴。於地漸大。有巨蛇蟠泊之跡。既而實之。妖恠遂絕。其年冬。度以御史帶芮城令。持節河北道。開倉糴賑。給陝東。天下大饑。百姓疾病。滿陝之間。癘疫尤甚。有河北人張龍駒。爲度下小吏。其家良賤數十口。一時遇疾。度憫之。齋此鏡入其家。使龍駒持鏡。夜照諸病者。見鏡皆驚起。云見龍駒持一月來相照。光陰所及。如冰著體。冷徹肺腑。即時熱定。至曉並愈。以爲無害於鏡。而所濟衆。於是令密持此鏡。遍巡百姓。其夜鏡自匣中冷然自鳴。聲甚徹遠。良久乃止。度心獨恠。明早龍駒來謂度曰。龍駒昨忽夢一人。龍頭蛇身。朱冠紫服。謂龍駒。我卽銳精也。名曰紫珍。嘗有德於君家。故來相託。爲我謝王公百姓有罪。天與之疾。奈何使我反天救物。且病至後月當漸愈。毋爲爲我苦。度感其靈恠。因此誌之。至後月病果漸愈。如其言也。大業十年。度弟勣自六合承棄官歸。又將遍遊山水。以爲長往之策。度止之曰。今天下向亂。盜賊充斥。欲安之乎。且吾與汝同氣。未常遠別。此行也。似將高蹈。肯向子平遊五嶽。不知所之。汝若追踵前賢。吾所不堪也。便涕泣對勣。勣曰。意已決矣。必不可留。兄今之達人。當無所不體。孔子曰。匹夫不可奪其志矣。人生百年。忽同過隙。得情則樂。失志則悲。安遂其欲。聖人之意也。度不得已。與之決別。勣曰。此別也。亦有所求。兄所寶鏡。非塵俗物也。勣將抗志雲路。棲蹤烟霧。欲兄以此爲贈。度曰。吾何敢惜於汝也。卽以與之。勣得鏡遂行。不言所適。至

大業十三年夏六月始歸長安。以鏡歸。謂度曰：此鏡真寶物也。勸辭兄之後。先遊嵩山少室。陟石梁。坐玉壇。燭日暮。遇一嵒巖。有一石堂。可容三五人。勸棲息止焉。月夜三更後。有兩人。一貌胡鬚。眉皓而瘦。稱山公。一面闊。白鬚。眉長。黑而嫵。稱毛生。謂勸曰：何人斯居也。勸曰：尋幽探穴訪奇者。二人坐與勸談文。往往有異義出於言外。勸疑其精怪。引手潛後。開匣取鏡。鏡光出而二人失聲俯伏。嫵者化爲龜。胡者化爲猿。懸鏡至曉。二身俱殞。龜身帶綠毛。猿身帶白毛。卽入箕山。渡潁水。歷太和觀玉井。井旁有池水。湛然綠色。問樵夫曰：此靈湫耳。村間每八節祭之以祈福祐。若一祭有闕。卽池水出黑雲。大雹傷樹。白雨流澍。沒堤壞阜。勸引鏡照之。池水沸湧。有雷如震。忽爾池水騰出。池中不遺涓滴。可行二百餘步。水落於地。有一魚可長丈餘。粗髯大於臂。首紅頰白。身作青黃間色。無鱗有涎。龍形蛇角。嘴尖。狀如鱗魚。勸而有光在於泥水。因而不能遠去。勸謂蛟也。失水而無能爲耳。刃而爲炙。甚胥有味。以充數朝口腹。遂出於宋汴。汴主人張琦家有女子。患入夜哀痛之聲。實不堪忍。勸問其故。病來已經年歲。白日卽安。夜常如此。勸停一宿。及聞女子聲。遂開鏡照之。痛者曰：戴冠郎被殺。其病者床下有火雄雞死矣。乃是主人七八歲老鸞也。遊江南。將渡黃陵。楊子江忽暗雲覆水。黑風渡湧。舟子失容。慮有覆沒。勸攜鏡上舟。背江中數步。明朝微底。風雨四歛。濤波遠息。須臾之間。達濟天塹。躋攝山。趨芳嶺。或攀危頂。或入深洞。逢其羣鳥環人而噪。數熊當路而蹲。以鏡揮之。熊鳥奔駭。是時利涉浙江。遇潮出海。濤聲振吼數百里。而聞舟人曰：濤既近未可渡。南若不迴舟。吾輩必葬魚腹。勸出鏡照。江波不進。屹如雲立。四面江水豁開五十餘步。水漸清淺。羣獸散走。

舉帆翩翩直入南浦。然後却視。濤波洪湧。高數十丈。而至所渡之津也。遂登天棹。周覽洞壑。夜行佩之山谷。去身百步。四面光微。纖微皆見。林間宿鳥。驚而亂飛。還履會稽。逢異人張始鸞。授勛周牌九章及明堂六甲之事。與陳永同歸。更遊豫章。見道士許藏祕。云是旌陽七代孫。有咒登刀履火之術。說妖怪之次。便言豐城縣倉督李敬家有三女。遭魅病。人莫能識。藏祕療之無効。勛故人趙丹有才器。任豐城縣尉。勛因過之。丹命祕承人指勛停處。勛謂曰。欲得倉督李敬家居止。丹遽設榻爲主禮。勛因問其故。敬曰。三女同居堂內。開子。每至日晚。必靚妝銜服。黃昏後卽歸所居。非曉不覺。日日漸瘦。不能下食。制之不令粧梳。卽欲自縊投井。無奈之何。勛謂敬曰。引示開子之處。其開東有窻。恐其門閉固而難啓。遂晝日先刻斷窻檻四條。却以物支柱之。如舊。至日暮。敬報勛曰。梳粧入閣矣。至一更。聽之。有笑自然。勛拔蔥釵子。持鏡人開照之。三女叫云。殺我婿也。初不見一物。縣鏡至明。有一鼠狼。首尾一尺三四寸。身無毛。齒有老鼠亦無毛。齒其肥大可重五斤。又有守宮大如人手。身披鱗甲。煥爛五色。頭上有兩角。長可半寸。尾長五寸以上。尾頭一寸色白。並於壁孔前死矣。從此疾愈。其後尋真至廬山。婆娑數月。或棲息長林。或露宿草莽。虎豹接尾。豺狼連跡。舉鏡視之。莫不竄伏。廬岩處士蘇賓。奇識之士也。洞明易道。藏往知來。謂勛曰。天下神物。必不久居人間。今宇宙喪亂。他鄉未必可止。吾子此鏡。尙在足下。衛。幸速歸家鄉也。勛然其言。卽時北歸。便遊河北。夜夢鏡謂勛曰。我蒙卿兄厚禮。今當捨人間遠去。欲得一別。卿請早歸長安也。勛夢中許之。及曉。獨居思之。恍恍發悸。卽時西首秦路。今既見兄。勛不負諾矣。終恐此靈物亦非兄所有。數月勛還河東。大業十三年七月十五日。匣中悲鳴。其聲纖遠。俄而漸大。龍咆虎吼。良久乃定。開匣視之。卽失鏡矣。